



增修詩話總龜卷第十三

前集

警言句門

揚文公云錢惟演劉筠首變詩格學者慕之
得其格者 為佳詠二公麗白頗多如惟演
奉使途中云言意未成雲着地秋聲不斷鴈
連天又云客亭厭見名長短村酒那能辨聖
賢送僧楚遊云宿舍孤煙起行衣夢雨涼
張弁州云戈矛近露夕銑鼓宴蕭晨章衢
雨詩云平檻曉波吳榜渡遶城春樹越禽

飛章南安云離人南浦多春草越鳥栖枝
有早梅劉潭州云坐激鮮楓湘竹曉樹含涼
雨越禽飛歸李太僕比使云漢幟隨移帳
燕鴻半解鞍何袁州云踈鍾靜起軍城晚
華表雙高水國秋陳江陵云深沉蛛網通歸
夢紫翠春山接去舟太一宮云神庭古栢啼
鳥起齋室虛簾宿霧通送人云思滿離亭
酒魂驚客舍烏高泉州云東南地迥宵烽息
西北樓高晚望迷章分寧云小雨郊原連苦
霧夕陽樓閣照丹楓東封應制云羽毛襄
野駕宴喜魯郊民送予知楚州云輕飈使車
遠明月直廬空張僕射判河陽云綠野桑麻
連四水黃堂歌吹擁千兵孫永興云魚尾故
宮迷草樹龍鱗平隰自風煙漢武云立堠
東溟邀鶴駕窮兵西極待龍媒公子云歌
翻南國桃根曲馬過章臺杏葉韉槿花云欲
作飛煙散猶怜返照遲荷花云淚有鮫人見
魂須宋玉招禁中鶴云天淵風雨多秋思遼

海煙波失舊期留題云有詩盤馬看猶懶
盡日投壺笑未回又云春瘦已寡連理帶夜
長誰有辟寒金元夜云九枝大樹連金狄萬
里霜輪上壁璫馬延州云沃野桑麻涵細雨嚴
城鼓角送斜陽劉筠直禁中云雨勢宮城
潤秋聲禁樹多陝州從事云角迥舍秋氣
橋長斷洛塵周賢良云崎嶇一乘博樵悴五
羊皮南鄭云渝舞氣豪傳漢俗丙魚味美
敵吳鄉李大僕云推月卿曹重占星使者賢

送僧云倦衲城鍾斷椿筇岳雨寒增惠崇
云醉令難同杜仙鶻肯換書葉金華云柔
桑蔽野鳴雉雉高柳含風變早蟬劉潭州
云坐序久虛温樹老心旌無柰楚風長又云
沙禽兩兩穿鈴閣江草依依接射堂九隴云
溪棧未破冰生硯爐酒新燒雪滿天又周賢
良云春風亂鶯囀夕霧一鴻冥張嶺南云山
月愁揮子風濤怒鱷魚西處云龍駕呂明御
天旗太一神張婺女神云大野幾星分婺女清

風萬古感顏烏章南安云嶺雲夏變梅蒸
早越雨秋葺桂蠹多西京首坐云滎河帶
繞中天閣空藥星懸大士居題雪云劉伶醉
席梅花地海客仙槎粉水天利州轉運云鵝
蹲野芋誰爲尹雪積泉鹽久置官章分
寧云鶴伴鳴琴公事曉烏驚調角戍城秋
揚處州云朱飾兩軸巡屬色案留雙筆在中臺
閣云三壤月臨承露掌九雉烏遶守宮槐
又云酒供硯滴儒毫冷火守更籌沃漏長

雪月云已回 面三年粉又結寒絲幾許冰汾
陽道中云鼓音記里繩阡遠舞節鳴鑾玉
步隨相洪州云挑葉橫波人共醉劍光衝斗
獄常空李秦州云右城獨登溫樹密前旌雙
抗嶺雲高劉潭州云洛田荒二頃楚浪漲三
篙槿花云吳宮何薄命楚夢不終朝宮詞
云難銷守宮血易斷舞鸞腸又云虹跨層
臺曉螢飛夏花涼夏日云雲容倏變千峰
險草色相沿百帶長新蟬云翼薄乍舒宮

女髮蛻輕全解羽人戶公子云行庖爨蠟
彫胡熟水埒鋪金血汗驕明皇云梨園法部
兼胡部玉輦長亭更短亭荷花云前裙無
限水障袂幾多風留題云荷心出水終無定
蘿蔓從風莫自持又云藻井風言回蛛壞網
杏園春暖燕爭泥詠梨云先時櫻熟煩羊
酪遠信梅酸損瓠犀洞戶云密鎖香風深處
戶亂飄梨雪曉來天贈布畫云吟餘雲
散葉坐久塵遺毛夕陽云塞迥橫煙紫江清

照葉丹關中云籠禽思隴樹洞犬識秦人
柳絮云平沙千里經春雪廣陌三條盡日高
屬疾云風簾鷓笑厨煙絕月樹烏驚藥杵
喧燈夕云金徒抱箭當壺水玉宇風來滿砌
莫禁中云萬年宮省樹五色帝家禽詩史
西洛古都荒臺廢沼遺跡依然見於詩多矣
惟錢文僖公一聯最爲警策云日上故陵煙
漠漠春歸空苑死水潺潺裴晉公綠野堂在午
橋南往時屬張相齊賢家罷相歸洛日與賓

客吟宴於其間惟鄭文寶工部一聯為警絕
云水暖鳧鷖行哺子谿深桃李卧開花人
謂不減王維杜甫錢詩好句尤多而鄭句不
惟當時人莫及雖其集中有及此者亦少歐公詩話
晚唐詩句尚切對然氣韻甚卑鄭榮山居云童
子病歸去鹿麕寒入來自謂銖兩輕重不
差有人作梅花詩云強半瘦同前夜雪數
枝愁向晚來天對屬雖偏亦有佳處

李廷老家有李揆與饒州刺史封漸仲容叔霽

聯句揆筆力道勁詩亦大佳略云光踐蓬

瀛閣卧病淮海濱偶逢鄱陽守宛是鄱
陽人又云共邵新侯伯同瞻舊宰臣又云鄉
路轅思北家林巷喜南

王爽字李明王孝伯問曰古詩中河句馬最佳
爽未對孝伯曰所過無故物安得不速老此
為佳

楊巨源詩曰爐煙添柳重宮漏出花遲當以下
句為試舉人題

晏元獻稱國初待詔云醉輕浮世事老重故鄉人張安道亦稱紅塵三尺險中有是非波

晏臨淄燕集詩最多有聯云春風任花落流水放杯行

惠崇遊長安云人遊曲江少草入未央深不減馬放降來地鵬盤戰後雲

景祐三年後苑生雙竹宣宰相從臣賦詩知制誥李絢有詩云日回龍並影風過鳳聯聲之

句衆嗟賞之前並詩史

嘗和杜祁公致仕詩云收得桑榆歸物外種成桃李滿人間亦佳雲齋廣錄

李元膺遊春詩云夾道桃花三月暮馬蹄無處避殘紅其標置如此

陳臺杜默預東平郡宴太守請賦海棠詩默云倚風莫怨唐工部後裔寧知不解詩坐客歎服詩史

藏謀梅花詩云綠楊解語應相咲漏泄春光却

是誰人誦之

淇川人揚萬畢字通一作聞梧桐夜雨詩云十里暮雲山已黑一燈孤館酒初醒索寞之意盡於此

華州華陰縣宰許弋於縣廨闢一軒名曰增明取韓文公遙岑出寸碧速日增凌明之意羽客姚太虛謁許公因書云遙岑寸碧尚增明何況雲峯三小六

揚茂卿詩云河勢崑崙遠山形蕙蓄秋誠佳

錢昭度燈詩云繡被夢驚中酒處朱門人語上朝時未若船中聞鴈洞庭夜床下有蛩長信秋意格清遠又聞角詩云風欲拋高雨壓沉黃昏前後五更深議者云此亦句之優者

王文穆罷相帥朝士皆有詩陳從易詩最佳云千重浪裡平安過百尺竿頭穩下來

景祐末趙元昊叛夏鄭公守長安梅聖俞送詩云亞夫金鼓從天落韓信旌旗背水陳鄭公獨刻此詩于石

范景仁喜爲詩年六十三致仕一朝思鄉里遂輕行
入蜀故人李才元知梓州杜道過之歸至成都
日與鄉人樂飲散財於親舊之貧者遂遊峨
嵋青城下巫峽出荆門暮歲乃還京師在
道作詩二首五篇其一聯云不學鄉人誇駟馬
未饒吾祖泛扁舟此二事他人所不能用也

范希文於江上見一漁父意其有德隱者也問姓
名不對但留一絕云十年江上無人問兩手今朝
一度義並同前

閩嶺孟貫爲性疎野不以名宦爲意喜筍脯草
大諫揚徽之稱之如寄張山人草堂云掃葉林
風後拾薪山雨前

韓襄客者漢南女子爲歌詩知名襄漢間孟浩
然贈詩曰只爲陽臺夢裏狂降來教作神仙
客襄客閨怨詩云連理枝前同設誓丁香白
樹下共論心先公熙寧中迂虜使成克錫見
遺衣服刺此聯於褁肚上其不復刺丁香連
理男女設誓言之狀虜人重此句爲佳製詩史

開元中將軍宋清有神劍後爲瓜州牧李廣琛
所得歌舒翰求之廣琛不與贈詩曰刻舟尋
已化彈缺示患酬南部新書

廬阜人陳沆立性僻野不接俗士昔拍熊皎虛
中師事之寒食後云罷却兒女戲放他花木
生閑居云掃地雪粘帚耕山鳥怕牛題水云
點入早雲千國仰力浮塵世一毫輕齋已贈沆
云四海方磨劍深山自讀書並雅言襍載

張觀性沉靜未嘗草書自詠曰保心如止水爲行

見真書以爲着題桂苑襍錄

太上隱者人莫知其本末好事者從間其姓名不
荅留詩一絕云偶來松樹下高枕石頭眠山中
無曆日寒盡不知年古今詩話

宋之問貶黜放還至江南遊靈隱寺夜月極明
長廊行吟曰鷲嶺懺爵岩堯龍宮隱寂寥未
得下聯有老僧燭燈坐禪問曰少年不寐而吟
諷甚苦何耶之問曰欲題此寺而思不屬僧曰
試吟上聯之問誦之曰何不道樓觀滄海日門

對浙江潮之問請終篇曰桂子月中落天香雲
外飄桐蘿登塔遠剝木取泉遙雲薄霜初
下水輕葉未凋待入天台寺者余渡石橋僧
一聯乃篇中警策也遲明訪之已不見寺僧
曰此駱賓王也

張俞成都人蜀以賢良稱之有詩行于世題武侯
廟云高光如有嗣吳魏豈勝誅又題御愛山云
可勝亡國恨猶有愛山心題洞庭湖云萬頃
碧波看不盡一拳孤岫望中明皆佳

劉夢得有獨吟曰巴人淚逐猿聲落蜀客舟從
鳥道來

姚合道傍亭子詩云南陌逢人回首去東林道
者杖藜歸不言亭亦佳

王摩詰酷好畫山水其画山從耳谷窅雲浮水飛
意出塵外嘗自題云宿世吟詩客前身應
畫師李璟定為妙品上上

李益詩名有著征人早待篇好事者盡為圖陣
如回鴈峯前沙似雪受降城下月如霜天下

歌之

胡擢詩善狀花木鳥獸飄然有物外意嘗謂人
曰吾思苦於三峽聞猿吟曰甕中每醞逍遙
藥筆下閑偷造化工

唐南蠻侵軼西川僖宗幸蜀慮爲患以女下降
蠻喜其姻聯大國遣宰相趙降眉楊竒鯤
段義宗來朝行在高駢自淮海飛章云南
蠻心膂唯此數人請留異待之迄僖宗還京
無虞用駢計也楊趙輩各有詞藻途中云

風裏浪花吹更白雨中山色洗還青海鷗聚
處牕前見林狔啼時枕上聽

自唐以來試進士詩號省題時有佳句如梓州
進士楊諤天聖八年省試蒲車詩云草木驚
皇轍山能護帝輿是歲下第景祐元年省
試宣室受釐詩云願前人主席一問洛陽人
是歲及第未幾卒慶曆天年韓欽試勳
門賜戟詩云凝鋒書翻轉交鏃彩文繁景
景仁曾見真本云迎交十書翻轉映日彩文繁

姑兩存之蘇州進士王愜試迹英正講藝云詩
云白虎前芳掩金華舊事輕天心非不悞垂
意在蒼生有古諷諫意是年奏名甚高
御前下第二十年始第尋卒滕元發皇祐
五年御試吹律聽軍聲詩云萬國休兵外群
生奏凱中又作西旅來王詩云寒日邊聲斷
春風塞草長傳聞漢都護歸奉萬年觴
極爲場屋所稱揚諤有題驪山云行人問宮
殿耕者得珠璣

孟蜀王時花蕊夫人能詩而世不傳王平甫於館
中得七言三十餘篇大約似王建詩云厨船進
食簇時新列坐無非侍從臣日午殿頭宣索
鱠隔花催喚打魚人又月頭分給買花錢滿
殿宮娥盡十千遇着唱名多不語含羞趨
過御床前並同前

楊文公在館閣時占城進師子例進詩文公云
渡海鯨波息登山豹霧消禿說
章獻太后挽詞數百首唯石曼鄉一聯首出

曰震出坤素變乾成太極虛太后稱音日
久仁宗端拱至是始親萬機曼鄉詩切合
時宜又不卑長樂也古今詩話

嘉祐中列諷都官簡州人方年六十三致仕夫
婦徙居賴山謝景山有詩送云移家尚恐
青山淺隱兄唯知白日長宋公綽詩云諫
草焚來應見吏橐金散盡只留書

潘天錫負外與沈郎中宅相隣同遊古觀分題
天錫云風便磬聲遠日斜樓影長沈彬云松

歌晚影離壇草鍾撼秋聲入殿風郡閣雅談

唐宣宗重陽賜群臣宴詩曰疑塞旋征騎

和戎委廟賢傾心方倚汪協力共安邊魏譽
應制云四方無事去神豫抄秋來八水寒

光動千山霽色闡宣宗嘉之南部新書

魏野贈寇萊公云好去上天辭富貴却來平地
作神仙咏木云千林蠹如盡一睫餒何妨有
詩人規誡之風閑居云妻喜栽花話見誇聞
草齋脫得野人趣非急務故也又云燒葉爐

中無宿火讀書窓下有殘燈有熈燒葉貧
寒太甚改葉為藥不唯壞此句并下句亦
減氣味所謂求益反損也贈司馬君實云文
雖如貌古道不似家貧公監安豐酒稅赴官
有竹色贈云冷於陂水淡於秋遠陌初窮見
渡頭猶賴丹青不能画画成應遣一生愁非狀
難寫之景乎歐公詩話

寇萊公年十九進士及第知東已縣詩云野水無
人渡孤舟盡日橫又為江南春詩云波渺渺柳

依依孤村芳草遠斜日杏花飛江南春盡愁
腸斷蘋滿汀洲人未歸贈炙人口古今詩話

李長吉歌云天若有情天亦老以為奇怪無
對石曼卿云月如無恨月長圓

九華山人能皎能詩早行云山前獨見月陌上
未逢人山居云來熟秋光落禽寒夜未棲
閑居云澤逢野草比日為藥靜見樵人恐是仙
又云厭聽啼鳥夢醒後慵掃落花春盡時
雅言襍載

李範閔中人善章句爲道傍未云雖當南
北路不礙往來人經玉山人舊房云鶴歸秋
漢遠人去草堂空秋日江千遠望云清猿啼
遠木白鳥下前灘暮秋懷故人云天涯故交
無宋信惚外拒霜空落花江寺閑書云釣
叟無機沙鳥睡禪師入定白牛閑同前

廖凝字熙績十歲詠棋詩云滿汀鷗不散一局
黑全輸作者見之曰必垂名於後郡閣雅談
裴說裴諧俱有詩名說官至補闕諧終於桂

嶺假官宰自作湘江吟說詩云吟餘潮入
浦坐久燒移山諧詩云風回山火斷潮落岸
水高經杜甫墳說云擬掘孤墳破重教大雅
生諧曰名終埋不得骨且朽何妨景同而語意
俱別

呂文穆公未第時嘗遊一縣忘其縣名胡太監
旦方隨其父宰是邑遇呂甚薄客有譽言曰
工於詩宜少加禮胡問其警句客舉篇卒
章云桃盡寒燈夢不成胡笑曰乃一渴睡漢耳

呂恨而去明年首中甲科因人寄語胡曰渴
睡漢狀元及第胡答曰待我明年第二人
及第輸君一籌既而次榜亦中首選歐公詩話
許致殿丞及第後忽心恙爲詩亂題房壁云
有漏難求佛無機好學禪又江上對月云
江使不來秋練淨月娥長在夜珠寒貢父
詩話

增修詩話總龜卷第十三

前集

增修詩話總龜卷第十四

前集

警言句門下

石曼卿以詩酒豪爽得名嘗獨行京師俟有豪
士揖曼卿語已而曰公幸過我家曼卿語諾豪
士顧從騎載曼卿同行入委巷前抵大第三四
門乃至內堂庭戶完麗施談錦繡侍女珠翠
正疑求曼卿書字曼卿寫已書其詩筆
驛等教篇豪士甚珍愛之贈曼卿金帛可
直數十百千使從騎送歸初不知其誰何後

日尋迷不省所居閩里人不既知他日復過
之途又以金數十兩贈曼卿云壽筆驛詩意
中流水遠愁外舊山青最佳

歐陽詹乾德中獻野史受黃崗宰有詩行于
世間錄云啼猿非有恨竹客自多悲聞笛云
不知吹者意何似聽人心卧屏云橫琴今遶遶
洞舉手出高峯公字蘆云漁家合得兩三
莖公退徐吟思倍清官滿不將歸舊隱簫
蕭留與後人聽雅言襟載

繆島雲少從浮屠詩尚竒險加拋芥子降顛佛
佛折楊柳灑醉猩猩復出前輩據言

湖南日試萬言王璘與李群玉校書相過於嶽
麓寺群玉揖之曰公何許人曰試萬言璘曰然
群玉曰與公聯句可乎璘曰惟子之命群玉破
題授之曰芍藥花開吾薩面璘繼之曰撥攔
葉散夜叉頭

東坡云兒子邁幼嘗作林禽詩云詩五熟果
無風時自脫半窓迎日闔先紅於等輩中

亦號有思致者今已老無他技但時出新句
作酸棗尉有詩云葉隨流水歸何處半載
寒鴉過別村百斛明珠

眉山矮道士李伯祥好爲詩格亦不能高往往有
竒語如夜過脩竹寺醉打老僧門皆可愛
予幼時學於道士張易簡觀中伯祥與易簡
往來嘗歎曰此卽君貴人也不知何以知之日前
狄煥南岳石樓曉望云數點當秋霽齊不知何處
峯題岳路松云一嶂雨聲歸洞堅兩條翠

色下瀟湘雅言係述

曾弼長沙人依逸人王元爲詩友宿玉泉寺詩云
止偷半庭月池郊一天星君山云翠壓魚龍窟
寒堆波浪心

蔣鈞字不器營道人與劉洞陳甫爲詩友寄
柳宣云因借夢圭過竹寺學耕秋粟燒茆
原覽戎旻詩有一夜不眠孤客耳主人門外
有芭蕉鈞代答云芭蕉葉上無愁雨自是
多情聽斷腸

史虛白嵩洛人廖凝寄之詩曰飯僧春嶺蕨
醒酒雪潭魚終於湓浦

林楚才賀州富川人贈致仕黃損詩云身閑不
恨辭官早詩好常甘得句遲

陳甫字惟岳吉水人贈黃岩云清時不作登龍
客綠髮閑梳傍草堂漳江感懷云一雨洗

殘暑萬家生早涼村居云暮暮鳥歸巢急寒
牛下隴遲詩云筭吟千萬首方得兩三聯

高允矩宣城人贈宣城宰云硯貯寒泉碧庭堆

敗葉紅贈徐學士云鸞掠琴絃穿靜院吏收
詩草下閑庭

楊鳧字翳之閩人山中即事云背日流泉生凍
早逆風歸鳥入巢遲

李平閩右人讀武帝內傳云龍髯已斷嬪媵
老豹尾不來岐路長閑書云至人無夢夢不
到天道思盈盈有餘

曹崧衡陽人題衡陽尋仙觀云十年松引東
陵鶴三級芝田草木香贈陳先生云讀太玄

經秋醮罷能注叅同契夜燈微經羅大夫故居
云鹿眠荒圃寒蕪白鷓噪殘陽敗葉飛

祕館以上已日會西池王仲至有二詩張文潜和
之最工云翠浪有聲黃帽動春風無力綠旗
垂秦少游云簾幕千家錦繡垂仲至笑曰
此語又待入小石調也少游有頌逸少書陳迹
更屬相如賦上林之句諸人亦爲難及

山谷云余作兩句云清鑑風流歸賀八飛揚跋扈
付朱三未知可贈誰不能成章 王直方詩話

有以長韻詩止王仲至其一聯云狗監傳新賦雜
林購近詩屬對頗工而終篇無若此者言辭
鄙陋幾可絕倒豈所謂才有所長邪

舒王和人歌云曲有暖字一篇俞清老云更有一
篇只記得一句云夕陽到處花偏暖及嘗代
一小兒賦花糕詩一絕恨不得見

荆公在金陵嘗指壁上所題兩句云一水岸厚云
田將綠遠兩山排闥送青來

張堧字叔和謂余田堧一日列洛中謁潞公方

飯後坐於一亭，停邊皆蘭。既見不交，一談對坐。
幾時潞公方曰：香來也。叔和以為平生所未聞。
潞公云：見香嗅之，則下佳。須待其因風自至。
余始悟山谷詩云：披拂不盈懷，時有暗香度。

韓持國有云：青烟人家，綠野山四合。當時無
不傳誦。

東坡云：參寥喜絕句，有云：隔林彷彿聞機杼，知
有人家在翠微。每為人誦，後來黃州相聚，半

年京師，故人以書相遺，曰：知有僧在彼，非隔林
彷彿聞機杼，和尚耶？僕謂參寥曰：此吾師
七字師號也。

梅聖俞在禮部考校時，和歐陽文忠公春雪詩，
云：有夢皆蝴蝶，逢袍只紵麻。用事如此，乃可
貴。

余愛張文潛過宋都詩，曰：白頭青髮隔存沒，
落日斷霞無古今。不減老杜
山谷有光山道中雪詩，云：山嶠斗柄三星沒，雪共

月明千里寒都尉王晉卿足成鷓鴣天云才
子陰風度遠關清愁曾向畫圖中看山嶺斗
柄三星沒雪共月明千里寒新路陌舊江千
崎嶇誰歎客程難臨風更聽昭華笛簌簌
梅花滿地殘

舒王與吳彥律云含風鳴綠粼粼起春我鷓鴣
裏裏垂自云此幾凌轢造物

張文潛謂余曰黃九日桃李春風一林酒江湖夜雨
十年燈真奇語並同前

詩云千山送客東西路一樹照人南北枝王康功
推官作

牛丞相奇章公初為詩矜奇特語至有地瘦章
叢短句明年秋卷成呈之曰有求色必報憑酒
意乃伸益加能矣明年乃上第因曰揚茂卿云
河勢崑崙遠山形蕙若秋此過華陰山下作

初用蓮峯作蕙若的當而暗盡矣劉禹錫佳話錄

丁晉公在朱崖有詩數十篇號知命集有曰
草解忘憂憂底事花名令笑笑何人古今詩話

陸子履言懷云薄有田園歸去好苦無官况
莫來休士君子莫不賞味其言青瑣集

湘南詩僧文喜為失鶴詩云一向亂雲尋不得
幾番臨水待歸來上潭州到祠大稱許

河外僧清晤有春日即事云宿鳥歸花影潮
魚沒浪痕郊外晚菊云疊浪支層漢殘陽
補斷霞上賈侍中遂褒稱之

范攄有子七歲能詩夏景云閑雲生不雨病棄
落非秋方千曰必不享壽未十歲而終

劉昭禹字休明婺州人為詩刻苦不惧風雨有云
句向夜深得心從天外歸言不虛耳並同前

蜀王建時揚義方能文詞為春日詩云海邊紅日
半離水天外暖風輕到花贈王樞密云兩聲鞭
自禁門出一簇人從天上来異聞錄

唐求劉郇伯有詩名唐求臨池洗硯詩云恰似有
龍深處卧被人驚馬起黑雲生又漸寒沙上路
欲暝水邊村早行云沙上鳥猶睡渡頭人已行
詩思不出二百里間劉郇伯為范鄭郎中詩

友范得句云歲盡天涯雨久而難對以問於
劉郇伯曰何不道人生分外愁范賞之然老子
新津之東渡非隱非吏二子亦可凌厲名場
而死丘樊所謂蜀人無志懷土正此也北夢瑣言
余問山谷今之詩人誰爲冠曰陳無已其佳句可得
聞乎曰吾見其作温公挽辭一聯便知其才不可
敵曰政雖隨日化身已要人扶

盛次仲孔平仲同在館中雪夜論詩平仲曰當
作不經人道語曰斜施闕角龍千尺淡抹墻

腰月半稜次仲曰甚佳其未大乃曰看來天地
不知夜飛入園林恣是春平仲乃服

舒王嘗寄蔣山元禪師詩曰不與物違真道廣
每隨緣起自禪深冷齋夜話

唱和門

熙寧間初作東西府望氣者云有天子氣及府

成車駕果幸張扶以詩慶二府諸公荆公和
云曾留上王經過迹更費高人賦詠才倦遊錄

唐路德延有孩兒詩五十首傳於世侍郎張公師

錫決韻成老見詩日髮髮盡皤然眉分白
雪鮮週迴延客話偃僂抱孫憐無病常供
粥非寒亦未綿假溫衾擁背借力杖楮肩
貌北三峯老年過四皓仙喚方離枕上扶始
到門前每愛烹山茗嘗嫌打石蓮耳聾如
塞續眼暗似籠烟宴坐高眠扶几乘騎困鞞
鞭頭搖如轉旋唇動若抽牽骨冷愁離火
牙疼怯漱泉形骸將就木囊橐尚貪錢膠
睫乾眵綴粘鬚冷涕懸披裘腰懶繫濯手

袖慵揜檯舉衣煩換扶持藥屨煎坐多茵
易破行少履難穿喜婢裁裙布嗔妻買粉
鈿房教深下幕床遣厚鋪氈琴聽憐三樂
圖張笑七賢看經嫌字小敲磬喜聲圓食罷
羨流袂盃餘酒帶涎樂來須遣罷醫到久
相延裘帽縱橫掠梳頭取次纏長吁思往事
多感聽哀絃氣注腰還重風牽口更偏墓松
先遣種誌石預令鐫客到唯求藥僧來忽
問禪養茶懸土竈曝艾晒簷唇掾怒僕空睜

眼嗔童謾握拳心驚嫌蹴踘脚軟怕鞦韆局
縮同寒枕摧脛似鐵鳶視膽多目眩舉動
即頭旋女嫁求紅燭男婚乞彩牋已聞頌几
杖寧更佩韋絃賓客身非與兒孫事已傳
養和屏作伴如意佛相連久棄登山屐唯存
負郭田呻吟朝不樂展轉夜無眠呼推臨
床伴有書就枕邊冷懷疑貯水虛耳訝聞蟬
東帛非無分安車信有緣伏生甘坐未絳老
讓行先拘急將風夜昏沉欲雨天雞皮塵

旋漬兒齒食頻填每憶居卽省常思釣渭
川喜逢迎佛會羞赴賞花筵怪徒令移檻
堦危索減塲好生焚鳥網惡殺拆魚船旣
感桑榆日常嗟蒲柳年長忠當弱冠悔不
贖狂顛青箱襟記

牛僧孺將赴舉時投贄於劉夢得對客展
讀飛筆塗畫鼠其文居三十年夢得守汝牛
出鎮漢南枉道汝水駐旌信宿酒酣贈詩於
夢得曰粉飾爲卽二十春向來名輩更無人

休論世上升沉事，具闕樽前見在身。殊玉會
應成咳唾，山川猶覺露精神。莫嫌侍酒輕
言語，曾把文章早謁後。塵夢得方悟，往年改
文卷之事。和吞云昔年曾忝漢朝臣，晚歲
空餘老病身。初見相如成賦日，後爲丞相倚
門人。追思往事咨嗟，文幸喜清風語笑頻。猶
有當時舊冠劍，待公三日拂埃塵。古今詩話
長慶二年錢起自中書舍人知舉教進士周墀
及第後同在翰林會昌二年起自僕射再放

榜時周墀任華州因寄詩賀叙同在翰林日
文場三化魯儒生二十餘年振重名曾忝木雞
誇羽翼又陪金馬入蓬瀛雖欣月桂居先折更
羨春蘭最後榮欲到龍門看風水關防不許
暫離營起答曰貢院離來二十霜誰知更忝
主文場楊葉縱能穿舊的桂枝何必授清
香九重每憶同仙禁六藝初吟得夜光莫
道相如不相見蓮峯之下有龔黃人以為
絕唱廣卓異記

韋中憲蟾廡問鄂州春日除替祖筵上題文選
兩句云悲莫悲芳生別離登山臨水送將歸
以毫牋授賓從請續其句坐中悵望皆不
屬有酒妓泫然曰某不知欲口占兩句乃曰武
昌無限新開柳不見楊花撲面飛坐客佳歎
韋有贈聾僧詩云吁嶺東西煙靄分兩
間茅屋一溪雲僧師童誰解知師意人是
人非不欲聞雅言襍載

曹相確鎮浙西日會湖中郡判宮王樞舉進士

嚴憚詩曰春光冉冉歸何處更向花前把一
盃盡日問花花不語爲誰零落爲誰開王
抑其才調和曰花落花開人世夢衰榮閑事
且持盃春風底事輕搖落何似從來不要開
雅言襍載

龔穎自負文學少許可又談論多所折難知
鼎州士罕造其門獨丁晉公贊文求見穎倒
屣迎迓酬對終日至于忘食曰自唐韓柳後
今得子矣至日丁獻詩於穎穎次韻和酬曰

瞻怯何由戴鐵冠只緣昭代獎孤寒曲肱
未遂違前志直指無聞是曠官三諫每
傳朝客說五溪閑玩郡樓看祝公早得文
場雋况值天堦正舞千青瑣襟記

江西韋丹大夫與僧靈徹爲忘形之契寄徹詩
云王事紛紛無暇日浮生冉冉只如雲已爲
子歸休計五老峯前必共論徹酬曰年老身
閑無外事麻衣草坐只容身相逢盡道休
官去林下何曾見一人雲溪友誼

白中令鎮荆南杜蘊嘗侍問長沙諸從事盧
發致聘焉發酒酣傲睨公少不懌因改着詞
令曰十姓胡中第六胡也曾金闕掌天府少
年從事誇門地莫向樽前喜氣麋盧荅曰
十姓胡中第六胡文章官耽勝崔盧暫來
閑外分優寄不稱賓筵語氣分鹿公極歡據言

梅聖俞客歐陽晦夫使工画茅菴已居其中一
琴橫床而已曾子方作詩四韻僕和云寂寞
王子猷迴船剡溪路迢遙戴安道月夕誰與

度倒披王恭氅半掩袁安戶應調折絃琴

自和掀鬚句百斛明珠

東坡云余在廬陵與晁無咎曇秀道人同舟
送客山光寺客去余醉卧舟中曇秀作詩
云扁舟乘興到山光古寺臨流勝氣藏慙
愧南風知我意吹將草木作大香余和云開
裏清遊似隙光醉時真境發天藏夢四拾得
吹來句十里南風草木香余昔對文忠公誦
文與可詩云美人却扇坐羞落庭下花公曰

此非與可詩世間元有此句與可拾得耳後

五年曇秀來惠州見余偶道其事王直方詩話

鄧洵美連山人乾祐二年中進士第與司空昉

少保傳同年謁劉氏不禮歸武陵時周氏有

其他且辟在幕府未幾司空氏自禁林出使

武陵與洵美相遇贈詩曰憶昔詞塲共着

鞭當時鶯鶯谷喜同遷關河契濶三千里音

信稀踈二十年君遇已知依玉帳我無才藻

步花磚時情人事堪惆悵天外相逢一泫然

洵美和云詞場幾度讓長鞭又向清朝賀九
遷品秩雖然殊此日歲寒終不改當年馳名
早已超三院侍直仍忻步八埒今日相逢
自愧閑吟對酒倍潛然相國歸闕率偕載
而辭以疾不行相國語同年少保公公時在黃
閣洵美在武陵又爲詩寄之云衡陽歸鴈別
重湖嚙到同人一紙書忽見姓名雙淚落不知
消息十年餘絲衣我已登黃閣白社君猶葺
舊居南望荆門千里外暮雲重疊滿晴虛

周氏疑洵美滿泄密謀急追捕易俗場管而
遇害建隆初王師下湖湘相國復收衡陽道
經易俗場作詩吊之曰十年衣染帝鄉塵蹤
跡伶俜活計貧高折挂枝曾遂志假拖藍縱
至終身侯門寂寞非知己澤國栖惶似旅人今
已向公墳畔過不勝懷抱暗酸辛 雅言系述

山谷云金華俞清老名子中三十年前與余共
學於淮南元豐甲子相見於廣陵自云荆公
欲使之脫逢腋着僧伽藜奉香火於半山宅

寺所謂報寧禪院者予之僧名紫琳字清
老無妻之累去作半山道人似爲不難事然
生龜脫筒亦難堪忍後數年見之儒冠自
若因嘗戲和清老詩曰索索葉似雨月寒遙
夜蘭馬嘶車鳴鐸辟動不遑安有人夢超
俗去髮脫儒冠平明視清鏡政爾良獨難子
瞻屢屨哦此詩以爲妙王直方詩話

東坡自嶺外回有七言一篇末句用毵毵字李端
叔和云再見門生應不識霜髭雪鬢兩毵毵

時以爲絕美有題蓋端叔年未甚老而白毛滿
額故也陳三又云有一明眼人能見人前後世
忽一惡少見之其人云頭上已有剝剝之聲腰
間欲作毵毵之勢無已曰我欲和云莫教腰下
見毵毵聞者大笑恨終不能成耳同前

乾祐元年戶部侍郎王仁裕放王溥狀元及第
溥不數年拜相仁裕時爲太子少保有詩賀曰
一戰文場拔趙旗便携金鼎替無爲曰麻駮
降恩何厚黃閣初開喜可知跋勅案前人

到少築沙堤上馬行遲押班長幸遙相見親
狎爭如未貴時溥和曰揮毫文戰偶奪旗侍
詔金華亦偶爲白杜遠當宗伯選赤心旋遇聖
人知九霄得路榮雖極三接承恩出悔遲
我在台司多少暇親師不及舞雲時廣卓異記
魚目直使余對句曰呵鏡雲遮月對曰啼粧露着
花魯直罪余於詩深刻見骨不務含蓄余竟
不曉此論當有知者廣卓異記

增修詩話總龜卷第十四

前集

增修詩話總龜卷第十五

前集

留題門上

呂申公累乞致仕仁宗不允他日復和便坐度其
不可留因詢曰卿去誰可待者申公曰知臣莫
如主陛下自擇堅問之乃引陳文惠曰陛下必
欲得英俊經綸之臣則臣所不知若圖任老臣
鎮安百度周知天下事無如陳堯佐仁廟然
之文惠遂大拜極懷薦引之德因作燕詞携
酒過之申公使之歌焉詞云二社良辰于家庭

院翩翩又見新歸燕鳳凰巢穩許爲隣瀟湘
煙暝來何曉亂入紅樓低飛綠岸盡梁時拂
歌塵散爲誰歸去爲誰來主人因畫珠簾
捲申公笑曰自悵捲簾人已老文惠曰莫愁調
鼎事無功老於廊廟而蘊藉不減昔任浙
漕有吳江詩曰平波渺渺煙蒼蒼孤蒲纒熟
揚柳黃扁舟繫岸不忍去秋風斜日鱸魚
鄉又碧瀾堂詩云苕溪清淺雪溪斜碧玉
寒光照萬家誰與月明終夜聽洞庭漁笛

隔蘆花古今詩話

徐州漢興歌風臺詩雖多張安道詩最絕云
落魄劉郎作帝歸樽前一曲大風詞才如信
越猶菹醢安用思他猛士爲青箱襟記

臨潼朝元閣詩雖多唯陳文惠二韻首出曰
高閣高閣迥秋毫無隱情浮雲忽一蔽不
見漁陽城同前

張退傅宰邵武時多遊僧舍至則吟詠忘歸
題西庵寺曰西庵深入西山裏筭得當年

少客遊密密石叢蟠小徑涓涓雲竇瀉寒流
松皆有節垂青蓋僧盡無心也白頭欲刷
粉碑書好字調卑官穴不堪留題寶蓋岩
寺云身為冠冕流心是雲泉客每到雲泉
中便擬忘歸迹况此寶蓋岩天造清涼宅
稅車官道邊誰知願言通過建寧縣洛陽
村曰金谷花時醉幾場舊遊無日不思量誰
知萬水千山裏枉被人言過洛陽青箱襟記

張伯玉過妬熟見太白十詠不及明月泉因題一絕

云至今千古松猶伴數峯雪不見纖塵飛寒

泉湛明月

陳文惠至古寺作詩曰殿古寒爐空流塵暗金
碧獨坐偶無人又得真消息春明退朝錄

顏謝魯公之後所居有泉石松竹創亭延客孟賁

于留題詩曰園林蕭洒聞來久欲往因循二十

秋今日開襟吟不盡碧山重疊水長流江南野錄

陳穎南昌人業進士題漢祖廟曰項羽英雄猶不
俱可憐容得辟陽侯得狂病而卒同前

長安慈恩寺浮圖前後題詩多矣唐文宗朝元
微之白樂天到塔下見章八元所留詩悉令徐
去諸家牌惟留韋詩詩云十層突兀在虛空
四十門開面面同却訝鳥飛平地上自驚人語半
天中回梯暗踏如穿洞絕頂初攀似出籠落
日鳳城佳氣合滿城香樹雨濛濛鑑誠錄

陶雍典雅州送安口至畫四情橋改為折柳橋題詩曰
從來只有情難盡何事名為情盡橋自此改
名為折柳從他離恨一條條同前

施肩吾題友人閑居詩曰花眼綻紅斟酒看樂心

抽綠帶煙鋤同前

夫差廟折姑蘇臺木剏成陳羽題詩曰姑蘇臺
畔千年木刻作夫差廟裏神幡蓋寂寥多雲土
滿不知蕭鼓樂何人鑑誠錄

陳羽姑蘇臺詩云憶昔吳王爭霸日歌謠滿路
上蘇臺三千宮女看花處人盡其臺空花自開

古今詩話

賀程諫君山詩曰曾遊方外見麻姑說道君山

此本無云是崑崙山頂石海風吹落洞庭湖

錄鑑誠

劉象詠仙掌詩曰萬古亭亭倚碧霄不成擎亦

不成招何如掬取蓮池水洒向人間救旱苗同前

砌臺即今擦擦臺也王侯家作以為臨觀之戲唐

張素詩云迥望臨香閣登高下砌臺林間路

青去席上意 未即知唐來有之太祖朝

王都尉家其子承裕幼時其父戲補砌臺使

談苑

揚文公罷虔州過饒州餘千縣登千越庭前瞰

琵琶洲後枕思禪寺天下絕境古今留題百
餘篇張祐詩云扁舟亭下駐煙波十五年遊
重此過州甯露沙人渡淺樹梢藏竹鳥啼多
層瀾漲水痕猶在石板題詩字已訛况是高
秋正圓月可堪聞唱異鄉歌劉長卿云天南愁
望絕亭下柳條新落日獨歸鳥孤舟何處人
生涯後越嶠世業陷胡塵草色迷江路鶯啼
傍逐臣奉臺悲白首楚渚怨青蘋杳杳鍾
陵暮悠悠鄱水春獨醒翻取笑直道不容身

得罪風霜苦全生天地仁青山數行淚滄海一窮鱗流落機心盡空憐鷗鳥親談苑

江遵詠史云秦築長城比鐵牢蕃戎不敢過臨洮雖然萬里連雲際不及堯塔三尺高何光遠稱此詩卓絕千百集中無以加詩史

桂州左右山皆平地拔起數千百丈石如染黛陽朔縣尤佳沈彬有詩云陶潛彭澤五株柳潘岳河陽一縣花兩處爭如陽朔好碧蓮峯裏住人家觀此詩山水可知詩史

淮陰廟題者甚多惟錢諫議昆詩最佳云築壇拜日恩雖厚躡足封時慮已深陰隲早知同鳥喙將軍應起五湖心青箱雜記

歙州間政山聃道士所居嘗有人陟險攀蘿至絕壁於岩下嵌空處見題詩一首雖苔蘚昏蝕而文尚可辨題云黃古詞不知台何人也千尋練帶新安水萬仞花屏問政山自少雲霞居物外不多塵玉到人間壺懸仙島吞舟枕漫星宮沉水閑寶錄篋垂金帶絳囊條

鎖玉連環靜張碁勢鋪還打嘿考仙經補又
刪床並葛韉寒鬼伏牕橫掣几老龍跽浮童
乞火朝敲竹山鬼聽琴夜撼掾草暗碧潭思
句曲松昏紫氣度深閑龜成淺甲毛猶綠鶴
化幽翎項更殷既洞神仙分藥去蔡家兄弟
寄書還黃精苗倒眠青鹿紅杏枝低掛白鵬
客易煮茶供客用辛勤栽果與猿攀常尋
靈穴通三島擬過流沙化百蠻新隱漸開侵
月空屈舊林猶悅枕沙灣手踈俗禮慵非傲肘

護靈方臂不怪海上使頻青鳥點篋中藏久
白驢頑節枝健杖苜蒲節笋擲高簪玳
瑁斑花氣燠心香馥馥澗聲冷耳冷潺潺高
墳自掩浮生骨短畧難窮不死顏早晚重
逢簫塢客願隨芝蓋出塵寰古國初時仕
屯田負外郎世有全篇

荆門軍玉泉山寒泉亭題者甚多有一篇最

佳忘其姓名詩云朔風凜凜雪漫漫未是寒
時分外寒六月火雲天不雨請君來此倚欄干

雲齋
廣錄

張宗尹爲長安令時鄭州陳相尹京兆宗尹嘗以
事忤公意公有別業在鄆杜間宗尹書一絕
子壁云喬松翠竹絕纖埃門對南山盡日
開應是主人貪報國功成名遂不歸來有人
錄以告公覽而善之待之如初宗尹嘗有詩
云大書文字隄防老剝買田園准備閑亦佳
倦遊錄

臨潼縣靈泉觀唐華清宮也自唐迄今題詠
不可記小杜五言長韻并三絕洎鄭愚津陽門

詩外唯陳文惠張文定及進士楊正倫詩最佳
文定詩云當時不是不窮奢民樂昇平少
嘆嗟姚宋未亡妃子在塵埃那得到中華文
惠詩云百首新詩百意精不尤妃子只尤兵
爭如一句傷時事只爲明皇恃太平正倫詩
曰伏罪明皇與貴妃大都衰盛兩相隨惟憐
一派溫泉水不逐人心冷暖移人鄭文寶詩云
只見開元無事久不知正觀用功深皆爲知音
所賞 同前

鄜州東百里有水石相思河傳舍曰相思鋪令狐
楚詩曰誰把相思號此河塞垣車馬往來多
只應自古征人淚洒向空州作碧波同前

韓魏公自中書出相州於居第作狎鷗亭永叔
以詩寄曰豈止忘機鷗鳥信鈞陶萬物本無
心魏公喜曰余在中書進退升黜未嘗置心於
其間永叔可謂知我古今詩話

呂文靖詩曰賀家池上天花寺二軒窓向水開不
用閉門防俗客愛閑能有幾人來賀家池即

賀監所賜之湖詩後爲風雨所損惜乎寺僧
不畱楸誌

唐人徐凝多吟絕句曾吟廬山瀑布詩云瀑布

瀑布千丈直雷奔入江無暫息萬古長如白

練飛一條界破青山色題處州縉雲山鼎湖詩

云黃帝旌旗去不回空遺片石碧崔嵬有時

風捲鼎湖浪散作青天雨點來後無題者郡閣雅談

權審常侍著詩千首嘗題山院曰萬葉風聲

利一山秋氣寒曉霜浮碧瓦落日度朱欄貢父詩話

江南道士任右元能篆家見人題常州忠烈王廟
詩一絕云松竹蕭蕭野笛悲寂寥水雪對旌
旗前山月夜陰風起神去神來人不知時人
不會其意尋毀其碑元厚之篆于石後愈
無識者因此漫滅郡閣雅談

鄧仙客死葬麻姑山人謂尸解遊人題詩多矣
有一少年一絕不言姓名但云天嶠遊人詩曰
鶴老芝田雞在籠上清那與世塵同既言
白日昇天去何事人間有殯宮鄧名稍減雲溪友誼

三鄉題不知誰氏題云余本家若耶溪東從良
人西入函關寓居新昌里第不幸良人已矣
邈然無依東還歷渭川涉滌水背終南陟太華
經號 抵陝郊皆曩昔燕遊之地命筆輒題
終不能祿其懷抱翰墨非女子事故隱其名
而不書為詩曰昔逐良人西入關良人身沒妾
空還謝娘衛女不相待為雨為雲過此山和詩
十一首陸正洞去惆悵殘花怨暮春孤鸞鳴舞鑑
倍傷神清詞好箇千人事疑是文姬第二身

王祝云女几山前寒嵐氣低佳人留恨此中題
不知雲雨歸何處空使王孫見即迷劉谷云蘭
蕙芬芳見玉姿路傍花咲景遲遲葶羅山下
無窮意併作三卿惜別時王條云浣沙遊女
出關東舊跡新詞一夢中槐陌柳亭何限事
年年回首向東風李昌鄴云紅粉蕭娘手自
題分明幽怨發雲闈不應更學文君去泣向
殘花歸剡溪王頂云無姓無名越水濱芳詞
空怨路傍人莫教才子偏惆悵宋玉東家是

舊隣李繪云會稽王謝兩風流王子沉淪謝
女遊歸思若隨文字在路傍空爲感千秋張
碕云洛川依舊好風光蓮帳無因見女郎雲
雨散來音信斷此注遺恨寄三鄉高衢云南
北千山與萬山軒車誰不念鄉閩獨留芳翰悲
前跡陌上恐傷桃李顏章水云來時歡笑
去時哀家國迢迢向越臺待寫百年幽思
盡故宮流水莫相催賈駝五言云壁古字未
滅聲長響不絕蕙質本如雲松心應柰雪耿

耿離幽谷悠悠望
甌越杞婦哭夫時
城摧無此說
雲溪女誼

吳門女郎真娘死
葬虎立山時
人此之蘇小小
行客題墓多矣
舉子譚銖題云
虎立山下冢
累累松栢蕭條
盡可悲
何事世人唯重色
真娘墓上獨留詩

鄭仁表經滄浪峽憇於長亭亭吏持牌乞詩題
曰分峽東西路
正長行人名利火
燃湯路傍看箇滄浪峽
真是將閑攪擾忙
據言

蜀道有飛泉亭留詩甚多
薛能佐李公過蜀道題云
賈掾曾經云題詩豈易哉
悉打去詩板獨留李端巫山高一篇

元祐五年同景文義伯聖徒次元題竹上云
結根豈殊衆
脩柯獨出林
孤高不可恃
歲晚風霜侵
百斛明珠

余初謫嶺南過田民小園東門一峰豐下銳
上里人謂之雞籠山
余更名曰獨秀峯
今過之留詩云
倚天巉絕玉浮圖
肯與彭郎作小

姑獨秀江南如有意要三三別四方壺玉局文

慈恩寺塔有唐人盧宗回一詩云東來曉日上
翔鸞西轉蒼龍拂露盤渭水冷光搖蕩
井玉峯晴氣壓欄干九重城闕參差見
百二山河表裡看暫輟去蓬悲不定一凭金
界望長安古今詩話

江州琵琶亭題者惟夏鄭公梅公儀詩佳

夏詩曰年光過眼如車轂戢事羈人似馬
啣若遇琵琶應大笑何煩涕淚滿青衫梅

詩云陶令歸來為逸賦樂天謫官起悲
歌有絃應被無絃笑何況臨絃泣最多又
葉氏女郎詩云樂天當日最多情淚滴青
衫酒重傾明月滿船無處問更聞商婦琵琶聲古今詩話

河中鶴鵲樓唐人題詠極多唯王文奧李益
暢詩最佳王云白日依山盡黃河入海流欲
窮千里目更上一層樓李云鶴鵲樓前百
尺墻煙汀雲樹共茫茫漢家簫鼓沉流水

魏國山河半夕陽事去千年猶恨短愁來
一日即知長風煙併在相思處滿目非春亦
自傷暢詩云天勢圍平野河流入斷山古今詩話

李建中恬進作詩清淡望湖樓詩云小艇閑

撐處湖天景亦微春波無限綠白鳥自由

飛落日孤鴻遠輕煙古寺稀時携一壺酒恣

到晚涼歸西湖詩云漲煙春氣重貯月夜

痕深皆此類古人詩話青箱雜記謂望湖樓詩是蘇為在湖州作

潘邠老有登漢陽江樓詩云西屐上層樓一目略

千里訛者以為着屐豈可登樓直方詩話

陸蟾寓居潭州攸縣司空山好神仙事多辟穀

累月題廬山瀑布云正源人莫測千人掛雲端

岳色染不得神功裁亦難夏噴猿鳥浴秋射

斗牛寒流到滄溟日翻濤更好看又春暮

經石頭城云六朝多少事搢肘思悠悠落日

空江上子規啼渡頭兼葭侵壞壘煙霧接

滄州今古明分在那堪向尤秋雍熙中服藥

卒雅言標載

李宏臯唐末八座善夷之子善夷左遷武陵宰卒於官宏臯擢觀歸故園途中值兵革爲馬氏擁入湖湘文昭王有功授學士至刑部侍郎每歲奏至京辭臣降歎李崧相國器之後馬氏兄弟結隙與弟宏節俱棄市宏臯少攻詩題桃源云山翠參差水渺茫秦人昔在楚封疆當時避世乾坤窄此地安家日月長草色幾經壇杏老岩香猶帶澗桃香他年倘遂平生志來着霞衣侍玉皇同前

任鵠字射已富有學問題君山云不礙揚帆路盤根塵洞庭波濤四面白雲外一堆青魚躍晴波動龍歸石竇腥絡期託名画爲我簇爲屏送王正己歸山云五峯青柱矢直下掛飛泉琴鶴同歸去煙霞到處眠鼉跳霜葉徑虎嘯夕陽川獨酌應懷我排空樹影連同韓常待爲郎吏日宣宗問曰卿有好詩如何得見韓稽首曰容至私第錄進乃選八十首進後以眼疾辭拜珥貂爲御史銜命出關

猷獄道中看華山有詩曰野麋蒙象暫
如犀心不驚鷗角駭雞一路好山無伴看
斷腸煙景寄猿啼御史出使不得與人同行故云
無伴時補衣謝病歸山更寄織錦篇與薛
郎中云錦字龍梭織錦篇鳳文綵間非
煙並他時世新花樣虛負工夫不直錢和人
憶鶴云拂拂雲衣冠紫煙已爲丁令一千年
留君且伴居山客幸有松梢明月天又和
憶山泉云情多不似家山水夜夜聲聲傍枕流

古今詩話

少游在黃州飲於海橋橋南北多海棠有老書
生家海棠叢叢間少游醉卧宿於此明日題其
柱曰喚起一聲聾人情衾枕夢寒窓曉瘴雨
過海棠晴春色又添多少衽甕釀成微笑
半破共癭瓢共自覺健例急投床醉鄉廣
大人間小東坡愛之恨不得其腔冷齋夜話

晉書卷之九十五

四集

大人間心東出為人不可其理全備不
半宿共靈鳳共語覺人與國志以在
與我業謝春道人香人少其靈為靈
每日與一人能人能人其靈公其靈
由家海家靈靈靈靈靈靈靈靈靈靈
必家有靈出靈出



